

攪炒派「鬼打鬼」 社福界「三人隊」

曾錦榮寸社總「保守」 陳虹秀批濫用「本土」「抗爭」

網議 政事

攪炒派係社福界嘅立法會參選
人傾唔掂，香港社會工作者
總會副主席張志偉，同本身係社
工嘅屯門區議員曾錦榮及九龍城區
議員曾健超三人未能「協調」，或將一同參選。有
媒體報道話社總俾「本土派」同社福界夾擊，而
社總因為擔心無法確認選民身份，終令該界別
未能參與戴耀廷「初選」協調會。曾錦榮係報
道中仲點名話社總立場傾向保守。被控暴動罪、公開搗張志偉
嘅「陣地社工」陳虹秀就不點名批評曾錦榮「請唔好濫用
『本土』同『抗爭』呢D(啲)字」。社總亦大發牢騷，堅
稱社總一向支持「初選」，俾網民笑係「鬼打鬼」。

香港文匯報記者 杜思文

據 有關報道指，張志偉、曾錦榮同曾健
超6月中旬嘗試協調，甚至尋求戴
耀廷出手籌辦「初選」，但竟係因為社總
認為活動未能百分百確認社福界選民身
份。由於遲遲未傾妥，「初選」最後胎死
腹中，3人遂敲定各自報名參選。報道引
述曾錦榮話，「初選」結果雖然可以反映
「本土派」獲得支持，但點名話社總「立
場傾向保守」，而業界不乏「舊派」選
民，自己未必能獲得他們青睞。
陳虹秀睇完篇報道就發老脾：「點解我
死都唔會參與政治選舉，因為真係可以有人
為咗參選而講嘢咁負責，對我嚟講，政治
實在太黑暗。某人話社總傾向保守，但有冇
check過社總過去4年幾做過乜……」
佢繼續話：「社總係贊成初選，但明明
某人都知係嚟唔切加入初選系統，咁唔通

參選人自己搵義工，自己搵地方做票站，
自己點票咩！反而社工嘅身份點會確認唔
到，我哋最方便show張註冊證就得啦！真
係激死，係大家傾時某人收唔到，定係某
人表達問題，抑或係俾唔知邊份報章嘅記
者斷章取義？」
陳虹秀直言：「我從來唔介意君子之
爭，但唔該作為社工嘅人都要為自己講嘢
嘢負責返責任。……請唔好濫用『本土』同
『抗爭』呢D(啲)字，唔係用把口講，係
用實際行動，仲有請做好Fact check，做一
個負責任嘅成年人。」
陳虹秀fb挑機 曾健超冇理
佢仲係曾健超fb留言，問點解佢唔要求
有關傳媒澄清返，「如果係記者誤會咗
你嘅意思，你應該解釋返社總係贊成初

選，社工有註冊證，做
認證都唔難，最困難係搵人做第三
方，……你明明知戴耀廷同你講處理唔到
社福界嘅初選，又搵唔到人去當第三方，
咁先不了之，但記者講另一個版本。如
果記者屈你，識咗你4年，你真係要澄清
吓！」不過，曾健超就有理佢。
梁傳孫暗諷戴耀廷無公信力
自稱係「初選」協調者嘅社總理事梁傳孫，
其後係社總facebook發長文回應話，有關報道
「完全失實」，稱社總由始至終樂意參與「初
選」，且三人均贊同舉行「初選」，只因未能
搵到「有公信力及執行能力」嘅第三方主持，
「初選」安排唯有作罷。唉，咁即係話戴耀廷
冇公信力同執行能力？
梁傳孫又話曾健超曾與戴耀廷聯絡，戴稱

因時間關
係，未能在「初
選」中加插社
福界。曾錦榮提議用租
用電腦系統及設置網上問卷平台，以登記
及核實選民資料嘅方案，梁傳孫回覆
話首先要找到具公信力和執行能力
的第三方，此後三方再沒有進一
步商討。
網民「Yu Hin Ng」就「苦口婆心」道：
「其實我好擔心，可唔可以真係協調，求
下你地(啲)啦……隨時就係差呢一
席。」「陳大文」一句踢爆社福界係「鬼
打鬼」，寸佢咁話：「其實你地(啲)吾
(唔
)洗
(使)寫咁長篇文章，邊
個會咁得閒同你慢慢睇。一句講晒
(鬼打鬼)。」



曾錦榮 資料圖片



陳虹秀 資料圖片



曾健超 資料圖片



張志偉 資料圖片

陳虹秀，懶得理你！
設計對白

楊子俊夥蔣旻正 擬參選「夾死」葉建源

網議 政事

所謂「不割席」，
其實係利益面前真係
不值一哂。攪炒派中
人一直唔妥教育界議
員葉建源，話佢「太
保守」、「唔夠強硬」，紛紛吹噓
前年612嗰非法集會中嘅「爆眼」拔萃
前「黃師」楊子俊參選。楊子俊日前
就係facebook發帖就係否參選教育界
議席進行「小型『公眾諮詢』」，話
一旦出選就會傳播「抗爭意識」。雖
然民主黨同教協一直「友好」，但身
為民主黨中委嘅梁翊婷就公開推薦楊
子俊，擺明係要玩教協啦！
同屬攪炒派嘅教育界現任議員葉建
源有話會退，做過教師嘅北區區議員

蔣旻正於早前已表明有意參選，仲承
諾若當選就加入攪炒派「35+」嘅策略
一同否決財政預算案咁話。加埋楊子
俊，啱家已有三個攪炒派可能參選立
法會教育界選舉。
話驚錙粟成「罪人」似以退為進
但唔知係扮嘢定係做戲，楊子俊竟
然係個「公眾諮詢」中話自己對選
舉、議會和議事都「不是很感興趣」
，而且議員嘅薪津對一個「可投
身補習和有副業的教師來說，不特別
吸引」，又話怕若參選，會「錙」走
教協嘅票，成為「罪人」，似乎係以
退為進嘢。
佢又話唔希望細思實際選舉嘅操

作，而且蔣旻正仲未正式宣布參選，
因此暫時唔會講二人「如何協調」
，但佢同蔣旻正嘅選舉事宜上係志同道合
嘅「同伴」，又話嗰日朝早蔣旻正來
佢studio(工作室)一齊做訪問，因此
「無論我參選與否，我和他都會共同
進退」嘢。唉，咁咁即係兩人聯手要
夾死葉建源？
網民「Train Head」就係楊子俊嘅
「公眾諮詢」下評論話，既然熱誠唔
大就唔好選，「因為一當選就係四
年，政治的確係泥沼，如果你熱誠不
大，俾你選到，我覺得反而你會發揮
唔到，反而係應該要思考教協如何改
革，這點值得探討。」「Hea Man」
就話：「不懷疑楊老師，但要考慮現

實大局，教協一向得大部份(分)老
師支持，現在參選，等於別票，客觀
上益咗教聯！」
有人仲擔心楊子俊「失明」，身體
唔得「衝唔到」。「Joey Leung」
話：「楊SIR你一旦去選，咁你既
(嘅)定位就係抗爭勇武派，預左
(左)要衝主席位，俾人抬，保安
啱。你身體仲康復緊，何必呢。」
「Ong Steph」亦奉勸佢認清楚：「你
要宣傳理念有問題但唔係用呢個(攪
炒派)十拿九穩嘅議席黎(嚟)
玩。」不過，「Dorothy Tse」就有唔
同意見：「葉建源絕對應該退出，咁
多年來教協都係廢嘅！」
香港文匯報記者 杜思文

攪炒「報告」涉反政府 政界挺郵政拒寄

香港文匯報訊(記者 鄭治祖)民主黨
立法會議員尹兆堅及屯門區議員馬旗企
圖通過議員工作報告，散播反中央反政
府的信息，被香港郵政拒寄，兩人宣稱
這是「政治打壓」。多名政界人士昨日
接受香港文匯報訪問時表示，該份「工
作報告」內容涉及散播恐懼、仇警、反
中央反特區政府的言論，故支持香港郵
政的決定，並要求執法部門嚴肅跟進有
關報告內涉嫌違反香港國安法的內容。
尹兆堅及馬旗昨日舉行記者會，稱他
們於本月2日申請郵政署通函郵寄服
務，擬將二人的工作報告寄給市民，但
懷疑因內容涉及違反香港國安法，香
港郵政拒寄並沒收其工作報告。
尹兆堅聲言香港郵政是在「政治審
查」，並稱「紅線越收越緊」，處理手
法「橫蠻無理」，嚴重「打壓言論自
由」。馬旗則稱，現有4,700份工作報
告被扣起，卻歸還無期，稍後會繼續跟
進事件，及向申訴專員公署投訴追究行
政失當。
根據馬旗上載至fb的「工作報告」
，其中指稱管治者「視民意如敵人」
，「掌管公權者，卻以法治為名，暴力鎮
壓平民，肆無忌憚拘控反抗者」，更以
答問形式大肆抹黑香港國安法，聲稱
「人民的反抗活動，對政權來說就是恐
怖活動」、「實際上是按中黃的政治需
要而定」等等。

葉國謙：報告或違國安法
擔任多屆區議員及立法會議員經驗的港
區全國人大代表葉國謙表示，「議員工
作報告」主要向市民交代議會工作和服
務，若宣揚個人政治立場應該自費，不應濫
用「議員工作報告」的字眼。如該份報告
內容涉及違法內容，包括散播對特區政
府以至中央政府的仇恨等，或已違反香港
國安法，政府有需要正視、跟進。
盧瑞安：圖以公帑煽攪炒
港區全國人大代表盧瑞安批評，攪炒
派已非首次濫用議員權力，做出各種反
中央、反特區政府、仇警等行為。據他
初步了解，有關的「工作報告」內容涉
及散播恐懼、仇恨政權等，已超出議員
工作報告的範圍，並跟批攪炒派一直破
壞社會秩序，更企圖以公帑發放文宣煽
動攪炒，必須予以嚴厲譴責。
郭偉強：區會秘書處須把關
工聯會立法會議員郭偉強指出，如利
用區議員身份印刷「議員工作報告」
，區議會秘書處必須把關，一旦涉及違
反議員守則內容，就不應批准發放資助。
尹兆堅及馬旗借「議員工作報告」，散
播仇警及反對中央的言論，已涉嫌違反
香港國安法中有關散播、煽動罪行的規
定，性質十分嚴重。

選民登記冊發表 直選選民446萬

香港文匯報訊(記者 郭家
好)2020年立法會換屆選舉的提
名期由今日開始，至7月31日結
束。選舉事務處昨日發表2020年
正式選民登記冊，地方選區正式
選民共有4,466,944名，可在9月
6日舉行的立法會換屆選舉投票。
選舉事務處發言人昨日表示，
2020年正式選民登記冊較臨時選
民登記冊淨增加約11,600人，有
關數字已經反映在臨時選民登記
冊發表後，選舉事務處因應最新
資料所作的跟進，主要涉及被納
入取消登記名單的人士適時回應
提示信以恢復其選民身份，及再
向選舉事務處補充所需資料。在
取得審裁官的批准後，有關申請
人已被納入正式選民登記冊。在
編制正式選民登記冊時，更新了
約1,063,000個地方選區選民的記
錄。
根據正式選民登記冊，在5個
地方選區，香港島有707,277名
選民、九龍西有602,733人、九
龍東有709,237人、新界東有
1,139,616人；新界西有最多選
民人數，共有1,308,081名正式登
記選民。
在功能界別方面，區議會(第

二)功能界別正式選民登記冊載
有4,196,680名選民，其他傳統功
能界別正式選民登記冊共有
250,452名選民。選舉委員會界
別分組正式投票人登記冊則載
有257,992名投票人。
有關正式選民登記冊的統計資
料，可在選民登記網站查閱。獲
有效提名的候選人、傳媒及政黨
可以查閱上述的選民登記冊。至
於只顯示個人選民姓名的功能界
別正式選民登記冊及選舉委員會
界別分組正式投票人登記冊，則
會提供予公眾人士查閱。有興趣
的市民可向選舉事務處預約申請
查閱選民登記冊，完成電話初步
預約後，選舉事務處會提供正式
預約表格供申請人填寫，申請人
須在指定時間內填妥並交回表格
以確認預約。
立會選舉提名期今開始
另外，立法會選舉提名期由今
日開始，選舉管理委員會已委任
5個地方選區和29個功能界別的
選舉主任。他們將會處理有關的
地方選區或功能界別的候選人提
名及其他選舉職務。因應公共衛
生考慮，選舉主任辦事處會實施
預防及人流管理措施。

中總批美「自治法案」嚴重干港事

香港文匯報訊(記
者 子京)針對美國
總統特朗普簽署「香
港自治法案」及終止
香港特殊待遇地位，
香港中華總商會昨日
發表聲明，批評美方
有關行動嚴重干預香
港事務和中國內政，
損害香港及美國的經
貿關係及商業利益。
中總會長蔡冠深指出，港美經貿關係密切。
美國在香港擁有龐大商業利益，美方終止香
港的特殊待遇地位並採取制裁措施，做法與
美方聲言為了保持香港的「一國兩制」背
道而馳，令人遺憾，有關措施既影響港美
雙邊貿易和商務交流，也損害美方在港
利益。
對特區政府表示正檢視相關世貿規則並
可能採取相應行動，中總表示認同，並相
信相關行動有助保障香港的國際地位、商
業和司法聲譽，維護香港整體利益。中總
同時期望美方審慎考慮，讓港美雙方長
久以來在經貿以至社會民生交流一直保
持的緊密往來互動得以維繫。
中總強調，香港事務純屬中國內政，中
央有權採取一切措施維護國家安全，其他
國家無權干涉。實施香港國安法更有利
香港構建穩定營商環境，也有助增強投
資者信心。
多名全國政協委員亦批評，美方此舉最
終只會損害自己的利益：



蔡冠深 資料圖片

- 全國政協委員黃若虹：**
美國所謂「制裁」並不會對香港造成實質影響，反而只會令美國自身利益嚴重受損。我們堅定支持中央及特區政府為維護正當利益所做出的相應反制措施。
- 全國政協委員余德聰：**
美國簽署所謂法案，取消對香港的特殊待遇地位，是粗暴干涉中國內政，也是損人不利己的做法。如果中國反制，美國企業也會受到很大影響，美國自身受損將會更加嚴重。
- 全國政協委員劉與量：**
美國的所謂「香港自治法案」，對香港的影響非常有限。這些行徑只會暴露美國政府的虛偽，絕不可能會使中央政府和特區政府有任何讓步。
- 全國政協委員薛光林：**
美方威脅對中方實施「制裁」，是近段時間以來，美國全面打壓中國的最新例證。如果美方繼續一意孤行、毫無底線、執意打壓中國，不管耍出什麼花招，注定搬起石頭砸自己腳。
- 全國政協委員施維雄：**
特朗普這類嚴重違反國際法和國際關係準則的做法，不是首次為之，更不是最後一次。我們更要看清，國家始終是香港最堅強、最可靠的後盾，香港要團結自強，更好配合國家發展機遇。
- 全國政協委員張勁：**
美國插手香港事務，其根本目的是亂港遏粵。美國所謂的經濟制裁不會對香港構成實質影響，相反只會令其自身利益嚴重受損。